



Rruga e Kavajes Kompleksi 100 Vitrinat Tirane

Tel: 00355 696684551 / [www.sas.al](http://www.sas.al) / [info@sas.al](mailto:info@sas.al)

---

## **SHËNIME PËR PASQYRAT FINANCIARE PËR VITIN E MBYLLUR MË 31 DHJETOR 2020 (TË GJITHA SHUMAT JANË NË LEKË)**

### **1. Informacione të përgjithëshme**

Shoqëria tregtare S.A.S Shpk, është themeluar si një shoqëri me përgjegjesi të kufizuar më 21 Shtator 1995 dhe vepron në përputhje me ligjin "Për tregtarë dhe shoqëritë tregtare" dhe ligjeve të tjera që rregullojnë biznesin. Kapitali rregjistruar i saj është 41'000'000 lekë dhe aktualisht zotrohet nga ortaku i vetëm, Z. Albi Mane.

Shoqëria është regjistruar në QKB dhe administratën tatimore me NIPT K31526053M.

Selia e shoqërisë sipas ekstraktit të QKB-së është "Rruga e Kavajës, Pallati 100 Vitrinat, Tiranë"

Objekti i veprimtarisë është Shërbimi i ruajtjes dhe i sigurisë fizike të objekteve publike e private në pronësi ose në përdorim të personave fizik e juridik që ushtrojnë veprimtarinë në Republikën e Shqipërisë. Importimin, tregtimin transportimin e mallrave dhe instalimin e mjeteve të sistemit vrojtues, sinjalizues, audioviziv, mjeteve të mbrojtjes kundra zjarrit, pajisjeve të ndërlidhjes, të teknikave të tjera të lejuara nga legjislacioni, si dhe projektimin, instalimin dhe programimin e pajisjeve të telekomunikacionit, radio komunikacionit dhe sistemeve të kontrollit dhe monitorimit në distancë të automjeteve.

### **2. Politikat Kryesore Kontabël**

#### **2.1 Bazat e përgatitjes**

Pasqyrat financiare (individuale) për qëllime të përgjithshme janë përgatitur dhe paraqiten në përputhje me Standardet Kombëtare të Kontabilitetit (SKK-të), të përmirësuar, dhe me kërkesat e ligjit "Për kontabilitetin dhe Pasqyrat Financiare".

Kuadri ligjor: Ligji 9228 dt. 29.04.2004 " Për Kontabilitetin dhe Pasqyrat Financiare"

Kuadri ligjor i aplikuar: Standartet Kombëtare të Kontabilitetit në Shqipëri. (SKK2)

Baza e përgatitjes së PF: Mbi bazën e konceptit të materialitetit. (SKK1, 1-3)

Parimet bazë për përgatitjen e PF. (SKK1, 40-90)

1. Parimi i njësisë ekonomike, mban në llogaritë e saj aktivet, detyrimet dhe transaksionet ekonomike të veta.
2. Parimi i vijimësisë, veprimtaria ekonomike e shoqërisë është e siguruar, duke mos pasur në plan ose nevojë për ndërprerjen e aktivitetit të saj.



Rruga e Kavajes Kompleksi 100 Vitrinat Tirane

Tel: 00355 696684551 / [www.sas.al](http://www.sas.al) / [info@sas.al](mailto:info@sas.al)

3. Kompensimi, midis një aktivi dhe pasivi nuk lejohet kompensimi, ndërsa midis të ardhurave dhe shpenzimeve ka vetëm në rastet që lejohen nga SKK.
4. Kuptueshmëria e PF është realizuar në masën e plotë për të qenë të qarta dhe të kuptueshme për përdorues të jashtëm që kanë njohuri të përgjithshme të mjaftueshme në fushën e kontabilitetit.
5. Materialiteti është vlerësuar nga ana jonë në bazë të tij PF janë hartuar vetëm për zëra material.
6. Monedha raportuese është monedha kombëtare, Lek.
7. Sipas parimeve të kontabilitetit në Shqipëri deklarimet financiare janë përgatitur mbi bazën e konceptit të të drejtave dhe detyrimeve të konstatuara.

## 2.1 Instrumentet Financiare

Mjetet monetare përfshijnë, mjete monetare në arkë dhe bankë, llogari rrjedhëse, si dhe, investime në tregun e parasë dhe tregje të tjera shumë likuide me kontrata jo më të gjata se tre muaj, të cilat janë objekt i një rreziku jo domethënës të ndryshimeve në vlerë.

Flukset monetare janë hyrjet ose daljet e mjeteve monetare dhe ekuivalentët e mjeteve monetare.

Veprimtari të shfrytëzimit janë aktivitetet bazë të prodhimit të të ardhurave të shoqërisë dhe aktivitete të tjera të cilat nuk janë aktivitete investuese ose financuese.

Veprimtari investuese janë blerja, dhe nxjerrja e aktiveve afatgjata dhe investime të tjera që nuk përfshihen në ekuivalentët e mjeteve monetare.

Aktivitetet financuese janë aktivitetet që çojnë në ndryshime në masën dhe përbërjen e kapitalit neto të kontribuar dhe të huasë të shoqërisë.

Gjendja e mjeteve monetare në fund të vitit 2020 është si më poshtë:

<b>A K T I V E T</b>	<b>2020</b>	<b>2019</b>	<b>NDRYSHIMI</b>
<b><u>Aktivitet Afatshkurtra</u></b>			
<b>Aktivitet monetare</b>	<b>3,371,662</b>	<b>4,339,081</b>	<b>-967,418</b>
1 <i>Banka</i>	1,519,842	3,834,574	-2,314,732
2 <i>Arka</i>	1,851,821	504,507	1,347,314

## 2.2 Aktivitet dhe detyrimet financiare

Një aktiv financiar ose një detyrim financiar njihet vetëm kur shoqëria bëhet pjesë e kushteve kontraktuale të instrumentit. Matja fillestare e një aktivi financiar ose një detyrim financiar bëhet me kostot e transaksionit (duke përfshirë edhe çmimin e transaksionit) përveç rasteve kur marrëveshja përbën në thelb, një transaksion financiar. Një transaksion financiar mund të jetë, për shembull, kur shiten mallra apo shërbime dhe kur pagesa shtyhet përtej afateve normale të tregtisë ose kur ajo është financuar me një normë interesi që nuk është një normë tregu. Nëse marrëveshja përbën një transaksion financiar, matja e aktivitet financiar ose detyrimit financiar bëhet me vlerën aktuale të pagesave të ardhshme të skontuara me normën e interesit të tregut për një instrument të ngjashëm borxhi.



Rruga e Kavajes Kompleksi 100 Vitrinat Tirane

Tel: 00355 696684551 / [www.sas.al](http://www.sas.al) / [info@sas.al](mailto:info@sas.al)

Në fund të periudhës raportuese, matja e instrumentave financiarë bëhet si vijon: Instrumentat e borxhit e percaktuara në pikën 7 dhe 8 të SKK-3 (si llogari, dëftesë ose hua e arkëtueshme ose e pagueshme) maten me koston e amortizuar duke përdorur metodën e interesit efektiv. Instrumentat e borxhit që janë të klasifikuara si aktive afatshkurtër ose detyrime afatshkurtër maten me shumën e paskontuar të mjeteve monetare ose shumave të tjera të pritshme për t'u paguar ose arkëtuar, përveçse kur marrëveshja përbën, në efekt, një transaksion financiar. Nëse marrëveshja përbën një transaksion financiar, matja e instrumentit të borxhit bëhet me vlerën aktuale të pagesave të ardhshme të skontuara me një normë tregu interesi për një instrument të ngjashëm borxhi. Në fund të çdo periudhe raportimi, shoqëria vlerëson nëse ka një evidencë objektive të zhvlerësimit të ndonjë aktivi financiar që matet me kosto ose me kosto të amortizuar. Nëse ka një evidencë objektive të zhvlerësimit, njihen menjëherë shuma për humbje nga zhvlerësimi në fitim ose humbje.

Nëse, në një periudhë pasuese, shuma e humbjes nga zhvlerësimi zvogëlohet dhe zvogëlimi mund të lidhet objektivisht me një ngjarje që ka ndodhur pasi ishte njohur zhvlerësimi (si një përmirësim në vlerësimin e pozicionit financiar të debitorit), rimerret humbja nga zhvlerësimi të njohur më parë ose direkt ose duke rregulluar një llogari zhvlerësimi, në fitim ose humbje.

Aktivet dhe detyrimet financiar shoqëria i klasifikon në afatshkurtra dhe afatgjata, bazuar në percaktimet e SKK-2.

### 2.3 Inventarët

Fillimisht, inventari njihet atëherë kur shoqëria e ka nën kontroll, pret përfitime ekonomike prej tij dhe kostoja e tij mund të vlerësohet me besueshmëri. Njohja e inventarëve bëhet zakonisht në momentin e përfitimit.

Inventarët maten fillimisht me kosto. Kostoja e inventarit përfshin: përveç çmimit të blerjes, edhe të gjitha kostot e tjera që nevojiten për të sjellë inventarin në gjendjen dhe vendndodhjen ekzistuese.

Kostoja e lëndëve të para, materialeve të konsumit, tokës dhe ndërtesave të blera për rishitje, përbëhet nga çmimi i blerjes, shpenzimet e transportit, taksat e importit, magazinimi, zbritjet dhe shtesat tregtare dhe të tjera shpenzime të tjera të ngjashme (taksat e parimbursueshme).

Gjendjet e inventarit në pasqyrat financiare paraqiten me kostot mesatare të ponderuar e gjeneruar drejtpërdrejt nga sistemi kontabël "Bilanc".

Gjëndja e inventarit në fund të vitit është si më poshtë:

<b>A K T I V E T</b>	<b>2020</b>	<b>2019</b>	<b>NDRYSHIMI</b>
<b>Inventarët</b>	<b>30,013,212</b>	<b>36,385,361</b>	<b>-6,372,149</b>
1 <i>Materiale te para</i>	1,911,670	1,911,670	0
2 <i>Inventar ne perdorim te te tretet</i>	27,691,952	32,726,576	-5,034,624
3 <i>Mallra</i>	409,590	1,747,115	-1,337,525

Zëri AAGJM është zëri i inventarit në përdorim të të tretëve, si kamera dhe sisteme alarmi të vendosur nëpër klientë sipas kontratave të shërbimit.



Rruga e Kavajes Kompleksi 100 Vitinat Tirane

Tel: 00355 696684551 / [www.sas.al](http://www.sas.al) / [info@sas.al](mailto:info@sas.al)

Vlerat e inventarit të paraqitura më sipër përputhen me të dhënat e kontabilitetit dhe të inventarizimeve fizike e kryera në fund të ushtrimit 2020.

### **2.3 Shpenzimet e shtyra dhe të arkëtueshme nga të ardhurat e konstatuara**

Në bazë të parimit të të drejtave të konstatuara, shoqëria njeh të ardhurat dhe shpenzimet në periudhën kontabël së cilës i përkasin. Po ashtu ajo shpërndan shpenzimet e parapaguara në vartësi të përdorimit dhe sigurimit të të ardhurave.

Shpenzimet e shtyra në fund të vitit janë 5,209456. Këto shpenzime kryesisht janë për siguracione të pasurive të paluajtshme dhe mjeteve të transportit, blerë uniforma për punonjësit por që nuk janë përdorur akoma, të cilat janë lëshuar faturat tatimore në vitin 2020, por mbulojnë dhe vitin 2021.

### **2.4 Aktivet afatgjata materiale**

Aktivët afatgjata material (AAM-të) njihen si një aktiv vetëm nëse: aktiv i kontrollohet nga shoqëria, është e mundur që përfitime të ardhshme ekonomike nga përdorimi i aktivit të hyrë dhe kostoja e aktivit mund të matet me besueshmëri. Regjistrimi fillestar i AAM-së bëhet zakonisht në momentin e përfundimit të tij nga blerja apo prôdhimi. Një element i AAM-së, që plotëson kriteret për njohje si aktiv në pasqyrën e pozicionit financiar, matet me kosto. Në vlerësimin e mëpasshëm shoqëria zbaton si politikë të saj kontabël modelin e koston dhe e aplikon këtë model për të gjithë klasën e AAM-së që vlerësohet.

Në pasqyrën e pozicionit financiar një element i AAM-së paraqitet me kosto minus amortizimin e akumuluar dhe ndonjë humbje të akumuluar nga zhvlerësimi.

Kostot që kanë të bëjnë me përmirësimet e mëpasshme i shtohen koston së AAM-së vetëm nëse ato përmbushin kriteret e përkufizimit të AAM-ve dhe kriteret për njohjen e aktiveve në pasqyrën e pozicionit financiar. Kostot që lidhen me mirëmbajtjet dhe riparimet e vazhdueshme njihen si shpenzime gjatë vitit ushtrimor.

Shoqëria vlerëson në çdo datë të raportimit nëse ka ndonjë shenjë që një aktiv mund të jetë i zhvlerësuar. Nëse ekziston ndonjë shenjë e tillë, ajo vlerëson shumën e rikuperueshme të aktivit. Nëse nuk ka të shenja për zhvlerësim, nuk është e nevojshme të vlerësohet shuma e rikuperueshme.

Vlera e amortizueshme e AAM-ve njihet në pasqyrën e të ardhurave, si shpenzim në mënyrë sistematike përgjatë jetës së dobishme të këtij aktiv. Përrjashtime bëjnë aktivët afatgjata materiale me jetë të dobishme pa afat si për shembull, toka (përveç minierave dhe vendeve të përdorura për groposje), punimet e artit me jetë afatgjatë, veprat e muzeve dhe librat të cilat nuk amortizohen.

Amortizimi për të gjitha grupet, llogaritet dhe njihet me *metodën e vlerës së mbetur*, me norma të cilat janë të përafërta me jetegjatesinë mesatare të parashikuar të përdorimit. Toka dhe aktivët në proces nuk amortizohen. Normat e përdorura janë në ndertesa 5 %, pajisjet informatike 25 %, aktivët e patrupëzuara me 15% dhe për aktivët e tjera 20% të vlerës së mbetur.

AAM në fund të viti janë si mëposhtë:



Rruga e Kavajes Kompleksi 100 Vitrinat Tirane

Tel: 00355 696684551 / [www.sas.al](http://www.sas.al) / [info@sas.al](mailto:info@sas.al)

<b>A K T I V E T</b>	<b>2020</b>	<b>2019</b>	<b>NDRYSHIMI</b>
<b><u>Aktivitet Afatgjata</u></b>			
<b>Aktivitet materiale</b>	<b>13,415,344</b>	<b>15,307,725</b>	<b>-1,892,381</b>
1 Toka dhe ndërtesa(vendrojet)	610,797	642,946	-32,149
2 Makineri dhe pajisje	608,305	760,381	-152,076
3 Mjete transporti	8,426,618	9,386,031	-959,413
4 Të tjera Instalime dhe pajisje	3,455,022	4,196,169	-741,147
5 Pajisje informative	126,256	142,665	-16,409
6 Mobilje dhe pajisje zyre	188,346	179,533	8,813

Vlerat dhe klasifikimi në grupe i AAM-ve të pasqyruara në bilanc dhe në tabelën e mësipërme janë të përputhura me të dhënat e inventarizimeve fizike që shoqëria e ka kryer në fund të muajit dhjetor 2020.

Metoda e zgjedhur e amortizimit të AAM-ve është metoda mbi vlerën e mbetur, e njëjtë me atë që përdoret për qëllime fiskale.

Shoqëria vlerëson në çdo datë të raportimit nëse ka ndonjë shenjë që një aktiv mund të jetë i zhvlerësuar. Drejtimi mendon se përgjithësisht në këtë ushtrim kontabël, nuk ka shenja të rënjes në vlerë të AAM-ve dhe nuk ka llogaritje zhvlerësime.

## 2.5 Aktivitet afatgjata jomateriale

Një aktiv afatgjatë jomaterial (AAJM) njihet vetëm nëse, është e mundur që të ketë përfitime të ardhshme ekonomike, kostoja e aktivitetit mund të matet me besueshmëri dhe aktiviteti nuk është rezultat i shpenzimeve të bëra brenda shoqërisë për një zë jomaterial. Njohja fillestare e një aktiviteti jomaterial bëhet me kosto, ndërsa vlerësimi i mëpasshëm paraqitet me koston e tij minus amortizimin e akumuluar dhe ndonjë humbje të akumuluar nga zhvlerësimi.

AAJM në fund të vitit janë si mëposhtë:

<b>A K T I V E T</b>	<b>2020</b>	<b>2019</b>	<b>NDRYSHIMI</b>
<b>Aktive jo materiale:</b>	<b>8,769</b>	<b>10,317</b>	<b>-1,548</b>
1 Koncesione, patenta, licenca, marka tregtare, të drejta dhe aktive të ngjashme	8,769	10,317	-1,548

## 2.6 Njohja e të ardhurave dhe shpenzimeve

Të ardhurat dhe shpenzimet njihen sipas kontabilitetit të të drejtave të konstatuara. Matja e të ardhurave bëhet me vlerën e drejtë të arkëtuar ose të arkëtueshme. Vlera e drejtë e shumës së arkëtuar apo për t'u arkëtuar merr parasysh shumën e çfarëdo zbritje tregtare, zbritjet për shlyerje të menjëhershme dhe zbritjet e bëra për sasi (vëllim) të blerë.

Të ardhurat nga shitja e mallrave dhe e produkteve njihen kur janë plotësuar të gjitha kushtet e mëposhtme, i janë kaluar blerësit të gjitha rreziqet dhe përfitimet, që lidhen me pronësinë e mallrave dhe produkteve, shoqëria nuk vazhdon të jetë e përfshirë në mënyrë të vazhdueshme në menaxhimin e mallrave dhe të produkteve në atë masë që tregon se ende



Rruga e Kavajes Kompleksi 100 Vitinat Tirane

Tel: 00355 696684551 / [www.sas.al](http://www.sas.al) / [info@sas.al](mailto:info@sas.al)

zotëron titullin e pronësisë dhe/ose ka kontroll efektiv mbi mallrat/produktet e shitura, shuma e të ardhurave mund të matet me besueshmëri, është e mundur që përfitimet ekonomike, që lidhen me transaksionin, do të merren kostot që kanë ndodhur, ose që do të ndodhin në lidhje me transaksionin, mund të maten me besueshmëri.

Të ardhurat nga kryerja e shërbimeve njihen kur, shuma e të ardhurave mund të matet me besueshmëri, është e mundur që përfitimet ekonomike të lidhura me transaksionin do të hyjnë në shoqëri, faza e përfundimit të transaksionit në fund të periudhës raportuese mund të matet me besueshmëri, kostot e ndodhura për shërbimin, si dhe ato që do të ndodhin për përfundimin e tij mund të maten me besueshmëri.

Shpenzimet njihen në pasqyrën e të ardhurave dhe shpenzimeve atëherë kur ngjarja detyruese ka ndodhur dhe shoqëria pret të dalin aktive për shlyerjen e tyre në të ardhmen. Shoqëria zbaton parimin e krahasimit të të ardhurave me shpenzimet brënda të njëjtit ushtrim kontabël. Shpenzimet njihen kur kryhen dhe realizohen të ardhura prej tyre, pavarësisht nëse janë faturuar apo paguar.

## **2.7 Transaksionet me monedhat e huaja**

Transaksionet në monedhë të huaj, që plotësojnë kushtet në njohje, regjistrohet në monedhën funksionale, duke zbatuar mbi shumën e monedhës së huaj kursin e menjëhershëm të këmbimit (spot) ndërmjet monedhës funksionale dhe monedhës së huaj në datën e transaksionit, por shpesh përdoret një kurs këmbimi, i cili është i përafërt me kursin e datës së kryerjes së transaksionit, p.sh. një kurs mesatar i një jave ose një muaji mund të përdoret për të gjitha transaksionet e kryera gjatë kësaj periudhe, në secilën prej monedhave të përdorura.

Në fund të çdo periudhe raportuese, zërat në monedhë të huaj përkthehen si më poshtë: zërat monetarë të shprehur në monedhë të huaj duke përdorur kursin e këmbimit të mbylljes (d.m.th. në datën raportuese), zërat jomonetarë që maten me kosto historike në monedhë të huaj duke përdorur kursin e këmbimit në datën e transaksionit, zërat jomonetarë që maten me vlerën e drejtë në monedhë të huaj duke përdorur kursin e këmbimit në datën kur është përcaktuar vlera e drejtë.

Diferencat e këmbimit, që krijohen gjatë shlyerjes së zërave monetarë ose gjatë përkthimit të zërave monetare me kurse këmbimi të ndryshme nga kurset e këmbimit, me të cilat ato janë përkthyer në njohjen gjatë periudhës kontabël aktuale, ose në pasqyrat financiare të mëparshme, njihen si fitim (ose humbje) të periudhës kontabël kur ato lindin.

Kur një përfitim ose humbje për një zë jomonetar njihet drejtpërdrejt në kapital, atëherë drejtpërdrejt në kapital do të njihet edhe diferenca e këmbimit.

Kurset e këmbimit, të përdorura nga shoqëria për monedhat e huaja më kryesore, më 31.12.2020 janë kurset zyrtare të Bankës së Shqipërisë 1 euro= 103.7 lekë dhe 1 dollar =100.84 leke.



Rruga e Kavajes Kompleksi 100 Vitrinat Tirane

Tel: 00355 696684551 / [www.sas.al](http://www.sas.al) / [info@sas.al](mailto:info@sas.al)

## 2.8 Tatimi mbi fitimin

Tatimi mbi fitimin përfshin tatimin e periudhës aktuale dhe tatimin e shtyrë. Tatimi mbi fitimin njihet si shpenzim tatimor në pasqyrën e performancës, përveç tatimit të zërave që njihen direkt në kapital, i cili njihet si një zë i kapitalit.

Detyrimi tatimor aktual njihet në vlerat që shoqëria pritet të paguajë (rimbursojë) mbi bazën e normave tatimore dhe ligjeve tatimore që janë miratuar ose janë në thelb të miratuara në datën e raportimit.

Aktivi ose detyrimi tatimor të shtyrë njihet për tatimet e zbritshme (rimbursueshme) ose të pagueshme në periudhat e ardhshme si rezultat i transaksioneve ose ngjarjeve të kaluara. Këto tatime lindin nga ndryshimet mes vlerave të njohura për aktivet dhe detyrimet në pasqyrën e pozicionit financiar dhe njohjes së këtyre aktiveve dhe detyrimeve nga autoritetet tatimore, si dhe nga mbartja e humbjeve tatimore dhe e tatimit të zbritshëm (rimbursueshëm) të papërdorur.

Norma aktuale e tatimit mbi fitimin për ushtrimin 2020 është 15 % aq sa ka qënë në ushtrimin e mëparshëm.

## 3 Të drejta të arkëtueshme

Të drejtat e arkëtueshme, në fillim dhe në fund të ushtrimit kontabël deklarohen si vijon:

<b>A K T I V E T</b>	<b>2020</b>	<b>2019</b>	<b>NDRYSHIMI</b>
<b>Llogari te arkëtueshme</b>	<b>7,475,073</b>	<b>14,805,441</b>	<b>-7,330,368</b>
1 <i>Nga aktiviteti i shfrytëzimit</i>	7,475,073	14,805,441	-7,330,368
2 <i>Të tjera</i>			

Ne "Nga Aktiviteti i Shfrytëzimit(Kliente)" janë pasqyruar faturat e papaguara për shërbimet e sistemeve të alarmit si dhe të shitjes së mallit që shoqëria ka realizuar gjatë ushtrimit me klientët.

Drejtimi mendon se të gjitha kërkesat do të arkëtohen në një periudhë afatshkurtër me vlerën e tyre nominale dhe nuk parashikon rënie në vlerë.

## 4. Detyrime Afatshkurtëra

Detyrimet afatshkurtra në fillim dhe në fund të ushtrimit kontabël paraqiten:

<b>DETYRIMET DHE KAPITALI</b>	<b>2020</b>	<b>2019</b>	<b>NDRYSHIMI</b>
<b><u>Detyrime afatshkurtra:</u></b>	<b>11,390,911</b>	<b>18,930,499</b>	<b>-7,539,587</b>
1 Detyrime ndaj institucioneve të kredisë (Overdraft)	2,398,920	5,041,899	-2,642,979
2 <i>Të pagueshme për aktivitetin e shfrytëzimit</i>	7,810,639	12,961,537	-5,150,898
3 <i>Të pagueshme ndaj punonjësve dhe sigurimeve shoqërore/shëndetsore</i>	464,518	457,191	7,327
4 <i>Të pagueshme për detyrimet tatimore</i>	620,502	469,872	150,630
5 <i>Shpenzime të llogaritura</i>	96,332	0	96,332
<b>TOTALI DETYRIMEVE AFATSHKURTRA</b>	<b>11,390,911</b>	<b>18,930,499</b>	<b>-7,539,587</b>



Rruga e Kavajes Kompleksi 100 Vitinat Tirane

Tel: 00355 696684551 / [www.sas.al](http://www.sas.al) / [info@sas.al](mailto:info@sas.al)

"Të Pagueshme për Aktivitetin e Shfrytëzimit(furnitore)" pasqyron detyrimet ndaj furnitorëve për blerjen e mallrave e shërbimeve, të cilat janë të pa likujduara në fund të ushtrimit. Drejtimi mendon se të drejtat e furnitoreve janë të vlerësuara realisht.

"Të Pagueshme ndaj Punonjësve dhe Sigurime shoq./shëndet." paraqet detyrimet e mbetura pa u paguar ndaj tatimeve për sigurimet e muajit dhjetor 2020.

"Të Pagueshme për Detyrime Tatimore " përbëhet vetëm nga tatimi mbi vlerën e shtuar në vlerën 587,179 lekë dhe 33,323 lekë detyrimin për tatim fitimin e vitit 2020.

"Detyrime ndaj institucioneve të kredisë (Overdraft)" pasqyron shumën e overdraftit të përdorur.

"Shpenzime të llogaritura" pasqyron vlerën e enrgjisë elektrike të muajit dhjetor 2020, faturuar në janar 2021, si dhe vlerën e shpenzimeve të telefonit të muajit dhjetor 2020.

## 5. Detyrimet Afatgjata

<b>DETYRIMET DHE KAPITALI</b>	<b>2020</b>	<b>2019</b>	<b>NDRYSHIMI</b>
<b><u>Detyrime afatgjata:</u></b>			
1 <i>Detyrime të tjera afatgjata (zyrat+makinat)</i>	0	0	
2 <i>Detyrime ndaj institucioneve të kredisë ISPaolo</i>	0	0	
3 <i>Huamarrje të tjera afatgjata (te tjere)</i>	0	7,511,091	-7,511,091
4 <i>Huamarrje të tjera afatgjata (qera financiare)</i>	1,210,061	1,862,957	-652,896
5 <i>Të pagueshme ndaj njësive ekonomike brenda grupit</i>	0	20,110,033	-20,110,033
<b>TOTALI DETYRIMEVE AFATGJATA</b>	<b>1,210,061</b>	<b>29,484,081</b>	<b>-28,274,021</b>

Në zërin huamarrje të tjera afatgjata (qera financiare), paqyron qera financiare të marra pranë Raiffeisen Leasing në vlerën 1,032,690 lekë dhe Porsche Leasing në vlerën 177,371 lekë.

## 6. Kapitali dhe rezervat

Kapitali i regjistruar i shoqërisë, i paraqitur në pasqyrën e pozicionit financiar, është ndryshuar me anë të vendimit Nr. 21 Datë 08.07.2020, në të cilin është vendosur që fitimi i pashpërndarë i vitit 2018 dhe më perpara si dhe financimi i ortakut në shoqëri të shkojë për zmadhimin e kapitalit.

Gjatë ushtrimit kontabël kapitali i shoqërisë është rritur në 41,000,000 lekë.





Rruga e Kavajes Kompleksi 100 Vitinat Tirane

Tel: 00355 696684551 / [www.sas.al](http://www.sas.al) / [info@sas.al](mailto:info@sas.al)

## 7. Të ardhurat nga aktiviteti i shfrytëzimit dhe të tjera

Të ardhurat e realizuara gjatë ushtrimit, sipas segmenteve(kategorive) të biznesit paraqitet si vijon:

Pasqyra e Performances	2020	2019	NDRYSHIM
<b>Të ardhura nga aktiviteti i shërbimit</b>	<b>75,208,438</b>	<b>47,018,721</b>	<b>28,189,717</b>
<b>Të ardhura nga aktiviteti i shitjes së mallrave</b>	<b>3,137,269</b>	<b>9,199,719</b>	<b>-6,062,450</b>
<b>Të ardhura nga aktiviteti i shitjes së aseteve (mjete transporti)</b>	<b>103,158</b>	<b>0</b>	<b>103,158</b>

Të ardhurat nga shitja e shërbimeve janë vlerësuar me vlerën e drejtë të shumës së arkëtuar ose të arkëtueshme, duke marrë parasysh shumën e skontimeve ose rabatet e ofruara, të zhveshura nga TVSH-ja. Paraqitja në pasqyrat financiare e të ardhurave dhe shpenzimeve është bërë sipas natyrës së tyre.

## 8. Shpenzimet e për lëndë të parë dhe materiale të konsumueshme

Lëndë të para, materiale dhe mallra etj, të konsumuara gjatë ushtrimit, ndare sipas natyrës së tyre paraqitet si vijon:

Pasqyra e Performances	2020	2019	NDRYSHIM
<b>Lënda e parë dhe materiale të konsumueshme</b>	<b>4,054,008</b>	<b>7,487,153</b>	<b>-3,433,145</b>
1 Lënda e parë dhe materiale të konsumueshme	2,738,493	6,792,695	-4,054,203
2 Të tjera shpenzime	1,315,516	694,457	621,058

## 9. Shpenzime personeli

Shpenzimet e personelit përbehen nga pagat, kontributet e sigurimeve shoqërore dhe shëndetësore, leja vjetore e paguar, raporti mjekësor i paguar në 14 ditët e para, pjesëmarrja në fitime dhe shpërblimet.

Pasqyra e Performances	2020	2019	NDRYSHIM
<b>Shpenzime të personelit</b>	<b>20,715,354</b>	<b>19,213,637</b>	<b>1,501,718</b>
1 Paga dhe shpërblime	17,754,910	16,489,926	1,264,984
2 Shpenzime të sigurimeve shoqërore/shëndetsore (paraqitur veçmas nga shpenzimet për pensionet)	2,960,444	2,723,711	236,734

Nr mesatar i punonjësve për vitin 2020 është 40.



Rruga e Kavajes Kompleksi 100 Vitinat Tirane

Tel: 00355 696684551 / [www.sas.al](http://www.sas.al) / [info@sas.al](mailto:info@sas.al)

## 10. Shpenzime të tjera shfrytëzimi

Në shpenzime të tjera të shfrytëzimit janë përfshirë kostot e shërbimeve kryesore dhe ndihmëse, që lidhen drejtpërdrejt me veprimtaritë e shfrytëzimit dhe ato për qëllime administrative, si dhe, kostot që ndodhin jo rregullisht gjatë rrjedhës normale të biznesit.

Pasqyra e Performances	2020	2019	NDRYSHIM
<u>Zhvierësimi i aktiveve afatgjata materiale</u>	0	0	0
<u>Shpenzime konsumi dhe amortizimi</u>	7,970,813	9,808,832	-1,838,019
<u>Kosto e aseteve të shitura</u>	0	0	0
<u>Shpenzime të tjera shfrytëzimi</u>	42,826,810	18,959,003	23,867,806

Një analizë më e hollësishme e zerave të shpenzimeve më poshtë:

<b>Nr.Llog</b>	<b>Përshkrimi</b>	<b>Vlera</b>
604001	BLERJE ENERGJI	243,292
604003	BLERJE KARBURANT	4,724,141
613	Qira	324,000
615001	MIREMBAJTJE DHE RIPARIME AUTOMJETE	2,438,510
616001	TPL - SIGURIM I DETYRUSHEM	216,331
616002	KASKO	69,993
616003	SIGURIME NDERTESA	1,980
616005	SIGURIM PERGJEGJESI PROFESIONALE	65,273
618	Te tjera	28,872,995
623	Pagesa për koncesione; patenta ...	99,200
624	Reklama; publicitet	30,953
626	Shpenzime postare dhe telekomunikimi	1,683,554
634	Taksa dhe tarifa vendore	149,000
635	Taksa e regjistrimit	4,940
648001	UNIFORMA DHE VESHJE PUNE	74,580
648002	SHPENZIME TE TJERA PER PERSONELIN	3,375,208
657	Gjoha dhe demshperblime	51,011
658002	SHPENZIME PER FREKUENCA	77,027
658004	SHPENZIME TE PANJOHURA	204,822
658005	SHPENZIME AUDITIMI	120,000
	<b>TOTALI</b>	<b>42,826,810</b>



Bruga e Kavajes Kompleksi 100 Vitinat Tirane

Tel: 00355 696684551 / [www.sas.al](http://www.sas.al) / [info@sas.al](mailto:info@sas.al)

## 11. Të ardhurat dhe shpenzimet financiare

Janë paraqitur si diferencë e të ardhurave me shpenzimet sipas kërkesave të standarteve.

<b>Pasqyra e Performances</b>		<b>2020</b>	<b>2019</b>	<b>NDRYSHIM</b>
<b>Të ardhura të tjera</b>		<b>937,298</b>	<b>2,694,179</b>	<b>-1,756,881</b>
<i>Të ardhura nga njësitë ekonomike ku ka interesa pjesëmarrëse (paraqitur veçmas të ardhurat nga njësitë ekonomike brenda grupit)</i>		861,564	2,611,279	-1,749,715
1	<i>Të ardhura nga investimet dhe huatë e tjera pjesë e aktiveve afatgjata (paraqitur veçmas të ardhurat nga njësitë ekonomike brenda grupit)</i>		105	-105
2	<i>Interesa të arketueshëm dhe të ardhura të tjera të ngjashme (paraqitur veçmas të ardhurat nga njësitë ekonomike brenda grupit)</i>	75,734	82,795	-7,060
3				
<b>Shpenzime financiare</b>		<b>500,876</b>	<b>548,211</b>	<b>-47,335</b>
<i>Shpenzime interesi dhe shpenzime të ngjashme (paraqitur veçmas shpenzimet për t'u paguar tek njësitë ekonomike brenda grupit)</i>		384,686	487,771	-103,085
1				
2	<i>Shpenzime të tjera financiare</i>	116,190	60,440	55,750

Në zërin "Të ardhura nga njësitë ekonomike ku ka interesa pjesëmarrëse" është pasqyruar mbyllja e furnitoreve sipas kontratave.

Në zërin "Interesa të arketueshme dhe të ardhura të tjera" janë paqyruar fitimet nga kurset e këmbimit.

Në zërin "Shpenzime të tjera financiare" janë paqyruar humbjet nga kurset e këmbimit.

Në zërin "Shpenzime interesi dhe shpenzime të ngjashme" janë pasqyruar intereset dhe shpenzimet bankare.

## 12. Shpenzimet e tatimit mbi fitimin

Në llogaritjen e shpenzimit aktual të tatimit mbi fitimin janë respektuar kërkesat e legjislacionit fiskal. Norma e tatimit mbi fitimin për vitin 2020 është 15%.

Nuk janë identifikuar aktive, detyrimeve dhe zërave të tjerë që priten të ndikojnë në fitimin e tatueshëm nëse ato do të realizoheshin ose shlyheshin me vlerat e tyre kontabël aktuale, që ka të bëjë me krijimin dhe realizimin e diferencave të përkohshme. Për rrjedhim nuk është njohur asnjë tatim fitimi i shtyrë.



Rruga e Kavajes Kompleksi 100 Vitinat Tirane

Tel: 00355 696684551 / [www.sas.al](http://www.sas.al) / [info@sas.al](mailto:info@sas.al)

### **Shënime të tjera shpjeguese**

#### **13. Ngjarjet pas datës së bilancit dhe vazhdimësia e shfrytëzimit**

Asnjë ngjarje e rëndësishme nuk ka ndodhur pas datës së miratimit të pasqyrave financiare.

#### **14. Shpjegime mbi palët e lidhura**

Me marrjen në konsideratë të çdo transaksioni dhe marrëdhënie të mundshme, jo thjesht formen ligjore të tyre në 31 dhjetor 2020 dhe 31 Dhjetor 2019 nuk ka transaksione me palët e lidhura.

#### **15. Shifrat krahasuese**

Pasqyrat financiare të vitit 2020 janë hartuar dhe paraqitur në përputhje me formatet që janë dhënë në shtojcën e standardit SKK-2,(të përmirësuar) dhe çeljet e vitit 2018.



*Albi Dine*